

Kichomanik ri awajib'

Ub'antajik tzij

Pa ri k'iche'laj kajib' awaj keki'kotik rumal chi are kchoch. Ri awaj are jun ib'oy, jun utiw, jun kuk, xuquje' jun kumatz.

Are k'o jun achi man kchoman taj, rumal kuk'et le e che'. Xkina' k'u le awajib' ri k'axk'olil xb'an chi kech. Xkimulij kib' chech jun chomanik pa uwi' le k'axk'olil kub'an le achi.



Xuk'am kib' kina'oj, je wa' xkib'ij xuquje' xkib'an chech.

-Ri utiw xub'ij chi kech: in ke'ntij ri awajib' rech ri achi.

-Are k'u xub'ij ri kuk: in ke'ntij le utiko'n.

-Xub'ij le kumatz: in kinti'o, rumal man kinq'alajin ta pa ri q'ayes.

-K'isb'al rech xub'ij ri ib'oy: in kinb'an jul chi uxe' ri utiko'n.

Je wa' xkib'an ri kajib' awaj.

Ri achi xuna'o' xuquje' xrilo ri k'axk'olil xkib'an ri awajib' chech.

Xuchomaj are' chi man utz ta kub'an chech le k'iche'laj.

Rumal la' xuta sachb'al mak chech le qanan uwachulew.

Jewa' xub'an ri achi, xuriq k'u ri utzilal pa ri uk'aslemal.

Benita Florinda Tzul Tzul
Totonicapán, Totonicapán

